



Fyrsti snjórinn fallinn í byggð



Það var heldur jólalegt um að lítast í Grundarfirði á þriðjudaginn var þegar fyrsti snjórinn féll þennan veturinn, þó ber að nefna að enn eru 85 dagar til jóla.

Bæjarbúar ætluðu ekki að trúa sýnum eigin augum enda ennþá bara september. Myndina tók Guðbjörg Soffía.

sj

Vel gengur að finna humar



Eins og áður hefur verið sagt frá stundar Inga P SH-423 gildrueiðar á humri á Breiðafirði í tilraunaskyni og eru veiðarnar á vegum Vinnslustöðvarinnar í Vestmannaeyjum. Farið var að vitja um síðasta sunnudag og fengu þeir humar í flestar gildrur en ekki allar. Þó var aflinn í heildina langt framfar vonum og fékk áhöfnin það staðfest að talsvert er af humri á svæðinu þó ekki sé hægt að draga víðtækar ályktanir svona snemma. Mun áhöfnin á næstu vikum reyna að átta sig á því hvar humar er að finna í miklum mæli á svæðinu. Voru 70 gildrur lagðar norður af Bárðargrunni í síðustu viku og var síld notuð til beitu. Ekkert var

að finna í gildrunum þegar þeirra var vitjað utan slatta af beitukóngi og einhverjar rækjur voru þar líka. Gildrunum var næst sókkt í sjó vestur af Öndverðarnesinu og voru þær dregnar á síðasta sunnudag. Aflinn sem var góður millihumar og stærri og var nær ekkert af smáum humri. Fékkst hann á um það bil hundrað faðma dýpi og höfðu gildrunar verið látnar liggja í tvær nætur. Allur humarinn sem veiddist var stærðarmældur og athugað með gæðin og fyrirhugað er að flytja hann á erlendan markað. Gaman verður að fylgjast með þessu tilraunaverkefni hjá Vinnslustöðinni og strákunum á Ingu P SH.

þa

Valhöll fasteignasala kynnr:

OPIÐ HÚS



Opið hús verður að **Brautarholti 20 í Ólafsvík** sunnudaginn 4. október á milli kl 16.00 og 17.00.

Allar upplýsingar um húsið verða á staðnum.

Sjá upplýsingar um eignir í Snæfellsbæ á valholl.is undir söluskrá

VALHÖLL
FASTEIGNASALA

Ingólfur G. Gissurarson, löggiltur fasteignasali,
Síðumúli 27, 108 Reykjavík, sími: 588 4477



Bifreiðaverkstæði Egis.
Rífl. S-4366677

Betra fyrir bílinn

Mikilvægur sigur Víkings



Víkingur Ó. gerði góða ferð austur á land um síðustu helgi þegar liðið vann mikilvægann sigur gegn Leikni F. í hádramatískum leik.

Staðan var markalaus í hálfleik en Víkingar byrjuðu seinni

hálfleikinn með látum og komust í 3-0 með mörkum frá Kristófer Reyes, Gonzalo Zamorano Leon og Harley Willard. Heimamenn bitu frá sér og náðu að minnka muninn í 3-2 en álokaandartökum leiksins skoraði Gonzalo annað mark sitt og fjórða mark Víkings. Lokatölur 4-2 Víkingi í vil og mikilvæg þrjú stig í fallbaráttunni staðreynd.

Það var ekki bara sigur liðsins sem var áhugaverður því eitt og annað markvert gerðist í leiknum. Kristófer Reyes skoraði sitt fyrsta mark í meistaraflokki og Anel Crnac lék sinn fyrsta keppnisleik fyrir Víking Ólafsvík. Báðir eru þeir ungir og efnilegir heimamenn sem munu vafalaust halda áfram að nýtast liðinu vel á næstu árum.

phh

Fjörufarir á þemadögum



Þemadagar í áttahagafræði á mið- og unglingastigi í Grunnskóla Snæfellsbæjar voru dagana 9. og 10. október.

Ýmis verkefni tengd námsskrá skólans í áttahagafræði voru unnin þessa daga og lögð var áhersla á upplifun og útiveru. Nemendur í 6. og 7. bekk fóru í fjörufarir á Fróðárrif þar sem þeir tíndu rusl úr fjörunni og af fjörुकambinum. Þeir unnu saman í litlum hópum og héldu

skrá yfir það sem fannst og þar var ýmislegt sem vakti athygli þeirra. Þótti þeim athyglisvert hvað fannst mikið af skófatnaði, allt frá heilum skóm yfir í staka hæla og sóla. Nemendur voru mjög áhugasamir um verkefnið og lögðu mikið á sig við að losa netadræsurnar og bera sjórekið timbur langar leiðir. Alls tíndu nemendur 230 kg úr fjörunni.

þa

Tap gegn Grindavík

Um það leyti sem verið var að ljúka uppsetningu þessa tölublaðs Jökuls þá lauk leik Víkings og Grindavíkur á heimavelli síðarnefnda liðsins.

Úrslitin urðu tap Víkings 3-0. Önnur úrslit umferðarinnar

urðu til þess að á botni deildarinnar eru nú þrjú lið, öll með 12 stig þegar þrjár umferðir eru eftir, Víkingur er í níunda sæti Lengjudeildar, sjö stigum fyrir ofan botnliðin þrjú.

jó

Nýir starfsmenn Félags- og skólaþjónustunnar

Félags- og skólaþjónusta Snæfellinga hefur verið dugleg að bæta við sig fagmenntuðu starfsfólki undanfarið. Jón Haukur Hilmarsson gekk til liðs við stofnunina fyrr í sumar, hann er útskrifaður þroskaþjálfari úr Háskóla Íslands og gegnir starfi ráðgjafaþroskaþjálfara í leik- og grunnskólum og fagstjóra málafna fatlaðs fólks á Snæfellsnesi. Ragnar Hjörvar Hermannsson mun starfa sem talmeinafræðingur grunnskólanna á Snæfellsnesi en hann er með meistaraþróf í Talmeinafræði frá læknaeild Háskóla Íslands. Auk þessarar stöðugilda er Félags- og skólaþjónusta Snæfellinga að

fá til sín meistaranema í félagsráðgjöf í fimm vikna starfsnám. Katrín Knudsen er meistaranemi í Háskóla Íslands og mun Ingveldur Eypórsdóttir, félagsráðgjafi leiðbeina henni á meðan dvöl hennar stendur á nesinu.

sj



FISKMARKAÐUR ÍSLANDS

Sími: 430 3700
www.fmis.is

JÖKULL

Blaðið er gefið út af Steinprent ehf. og dreift á hvert heimili í Snæfellsbæ og Grundarfirði.

Blaðið kemur út vikulega.

Upplag: 1.100

Áb.maður: Jóhannes Ólafsson

Prentun: Steinprent ehf.
Sandholt 22a, Ólafsvík
355 Snæfellsbæ

Netfang: steinprent@simnet.is

Sími: 436 1617

Björgin til bjargar

Útkall kom á Björgunarbátinn Björg á mánudagsmorgun kl 11:33 og var um að ræða bát með veiðarfæri föst í skrúfu 2,5 sjómílu út af Ólafsvík. Veður var gott eða suð-suð-vestan 6 m/s. Báturinn sem óskað hafði eftir aðstoð var Ólafur Bjarnason en hann hafði fengið pokann í skrúfunu. Ekki tók langan tíma að manna Björgina og var hún kominn af stað tuttugu mínútum síðar. Siglingin að Ólafi tók ekki langan tíma eða um fimmtán mínútur og var hann kominn í tog kl 12:07, gekk heimferðin vel og var komið með Ólaf í höfn í Ólafsvík um kl 13:00. Skorið var svo úr skrúfunni um kvöldið af Víði Haraldssyni og var Ólafur Bjarnason klár til veiða morguninn eftir.

þa



- Bílaviðgerðir
- Skipaþjónusta
- Almenn suðuvinna
- Smurþjónusta
- Smábátaþjónusta
- Dekkjaverkstæði

vegr@vegr.is vegr.is

S: 849-7276 Remek og 898-5463 Þórður



Á heimasíðu
Fasteigna- og skipasölu Snæfellsness
fasteignsnae.is
er að finna upplýsingar um allar eignir á
skrá hjá Fasteigna- og skipasölu Snæfellsness.

Pétur Kristinsson hdl.
löggiltur- fasteigna- og skipasali sími 438-1199

ÓLAFSVÍKUR- OG
INGJALDSHÓLSPRESTAKALL
kirkjanokkar.is



Fjölskylduguðsþjónusta og kirkjuskóli í Ólafsvíkirkirkju

Í tilefni að kirkjuskólinn byrjar á miðvikudag kl. 16:30 verður fjölskylduguðsþjónusta á sunnudag kl. 11. Sameiginleg stund fyrir allar kynslóðir og fyrir báða söfnuðina.



Guðsþjónusta
Grundarfjarðarkirkju
4. október kl. 11.00
Allir velkomnir.

Kæru stuðningsmenn og íbúar Snæfellsbæjar

Nú fer senn að líða að lokum keppnistímabilsins 2020 í knattspyrnunni. Árið 2020 fer seint í sögubækurnar fyrir að vera þægilegasta ár í sögu Víkings Ó. enda mikið gengið á. Þar hefur heimsfaraldurinn Covid 19 spilað stærstu rulluna.

Staðan sem uppi er á landinu vegna faraldursins hefur einnig gríðarlega mikil áhrif á það íþróttastarf sem unnið er á landinu og þar erum við í Víkingi Ó. sannarlega ekki undanskilin enda öll félög að berjast í bökkum. Vegna árferðisins hefur íslenska krónan veikt, erfiðara reynist að fá styrki og takmarkanir á leyfðum áhorfendum hafa í för með sér að aldrei hafa færri borgað sig inn á völlinn.

Stjórn Víkings Ó. hefur alla tíð kappkostað að halda uppi kröftugu knattspyrnuliði sem yngri iðkendur geta litið upp til og bæjarbúar allir verið stoltir af. Þetta kostar hinsvegar mikla fjármuni og því leitum við nú

aftur til bæjarbúa um að hjálpa okkur að brúa bilið á þessum erfiðu tímum. Á næstu dögum verða valgreiðsluseðlar sendir í heimabanka einstaklinga í Snæfellsbæ upp á 2.500 krónur. Áfram verður miðað við að senda bara einn greiðsluseðil á heimili

Við vonumst til að stuðningsmenn og velunnarar okkar taki vel í þetta framtak og hjálpi okkur að komast í gegnum þessa erfiðu tíma.

Knattspyrnukveðja,
Stjórn Víkings Ó.



Ólafsvíkirkirkja fékk píanó að gjöf



Ólafsvíkirkirkju barst góð gjöf á dögnum þegar henni var fært píanó af gerðinni Yamaha. Nýja píanóið verður staðsett í safnaðarheimili Ólafsvíkirkirkju og mun leysa af hólmi eldra píanó sem þjónað hefur sókninni og kirkjukór Ólafsvíkur vel og lengi en kórinn æfir einu sinni í viku í safnaðarheimilinu. Var því vel

við hæfi að píanóið væri afhent á kóræfingu og tók Gunnsteinn Sigurðsson við gjöfinni fyrir hönd sóknarnefndar en gefandinn óskaði eftir að hann væri nafnlaus.

Vildu félagar úr kirkjukórnum og sóknarnefnd koma á framfæri kæru þakklæti fyrir þessa góðu gjöf.

þa

Deloitte.



deloitte.is

Vilt þú hafa áhrif?

Deloitte í Ólafsvík leitar að öflugum og drifandi viðskiptafræðingi í spennandi og krefjandi starf á sviði Viðskiptalausna. Unnið er í öflugum teymi sem sinnir verkefnum á sviði reikningshalds og endurskoðunar fyrir viðskiptavinum Deloitte.

Helstu verkefni:

- Verkefni á sviði reikningshalds og endurskoðunar
- Vinna að tilfallandi verkefnum fyrir viðskiptavinum
- Stuðningur við markaðssókn og fylgjast með spennandi tækifærum

Til að eiga möguleika á starfinu þarf þú að búa yfir eftirtöldu:

- Reynsla af bókhaldi og ársreikningagerð
- Sjálfstæð, nákvæm og öguð vinnubrögð
- Góð samskiptahæfni, jákvæðni og rík þjónustulund
- Löngun til að skapa frábæra upplifun fyrir alla viðskiptavinum

Svo væri snið ef þú hefðir líka:

- Áhuga á sjálfvirknivæðingu ferla og verkefna
- Eitthvað skemmtilegt áhugamál

Æskilegt er að umsækjendur geti hafið störf sem fyrst.

Öllum umsækjendum verður svarað og farið er með umsóknir sem trúnaðarmál. Tekið er á móti umsóknum í gegnum heimasíðu Deloitte, www.deloitte.is, til og með 11. október 2020. Eldri umsóknir óskast endurnýjaðar.

Nánari upplýsingar veitir Marínó Mortensen, yfirmaður Deloitte á Snæfellsnesi, í tölvupósti á netfangið marino@deloitte.is.

Smiðjan Fönix í eigið húsnæði



Nú í sumar eru komin 3 ár síðan Davíð Magnússon og Sigurður Sigþórsson tóku við rekstri vél-smiðjunnar á Rífi. Síðan í Júní 2017 hafa þeir rekið Smiðjuna Fönix og keyptu þá rekstur og lager af Árna Jóni sem hélt þar úti Vélsmiðju Árna Jóns. Þar til nýlega leigðu þeir félagar tæki

og húsnæðið af Árna Jóni en nú hafa þeir náð merkum áfanga í rekstrinum á Smiðjunni Fönix og fest kaup á hvoru tveggja.

Davíð og Siggí héldu uppá þennan áfanga ásamt starfsfólki sínu með veislu í Smiðjunni Fönix.

sj

D

AÐALFUNDUR

Aðalfundur sjálfstæðisfélaganna í Snæfellsbæ

verður haldinn fimmtudaginn 8. október á kaffistofu Hraðfrystihús Hellissands kl. 19.30

- Venjuleg aðalfundarstörf
- Kjör fulltrúa á 44. landsfund Sjálfstæðisflokksins
- Umræða um bæjarmálin
- Önnur mál

*Stjórn fulltrúaráðs
sjálfstæðisfélaganna í Snæfellsbæ*